



Synfocity = 830

mail us at : mzsynfo@gmail.com; mizoramsynod@gmail.com - Phone - 2314648

March 3, 2022

❑ **Missionary Pre-Service Orientation training kharna**

February 28, 2022 (Thawhtanni) chawhma dar 11 khan Synod Mission Board hnuaiia thawk tur Missionary lak tharte tana Missionary Pre-Service Orientation Training neih chu Missionary Training College (MTC) Chapel-ah kharna inkhawm neih a ni.

He kharna hun hi Rev. Dr. C. Lalramchhana, Principal, Missionary Training College-in kaihruiin tanna hun a hmang a, Pi Vanlalthawmi, Dean of Training hnen atangin Training Report ngaihthlak a ni. Rev. R. Lalhmingsanga, Synod Mission Board Secretary-in thuchah a sawi a, Missionary lak tharte aiawhin Vanlalthuhangi Sailo-in thusawina hun a hmang a, a duh apiang tan thusawina hun hawn a ni bawk. Mal zai, Vanlalnunmawii hnen atangin ngaihthlak a ni a, trainee-ten Musical Drama an entir bawk. Upa Lalbiakenga Fanai, Synod Mission Board Coordinator-in thu pawimawh puanna leh lawmthu sawina hun a hmang.

Missionary lak thar te hi mi 50, mipa 19 leh hmeichhia 31 an ni a, February 3, 2022 atang khan Missionary Training College (MTC), Mission Vengthlangah Orientation training an nei a, training-ah hian an rawngbawl dan tur kal hmang te, an awmna tur chanchin te leh thil pawimawh hrang hrangte an zir a ni.

❑ **Missionary tirthchhuah inkhawm**

March 1, 2022 (Thawhlejni) chawhma dar 11 khan Synod Mission Board hnuaiia thawk tur Missionary tirthchhuah inkhawm Missionary Training College (MTC) Chapel, Mission Vengthlangah neih a ni.

Tirthchhuah inkhawm hi Rev. R. Lalhmingsanga, Secretary, Synod Mission Board-in a kaihrui a, Upa Lalbiakenga Fanai, Coordinator, Synod Mission Board-in Missionary tirthchhuahte chanchin a sawi a, Synod Moderator Rev. Dr. Vanlalngbaka Ralte-in tirthchhuahna hun hmangin thuchah a sawi. Tirthchhuahte aiawhin Lalhruiatluanga'n thu a sawi a, Pi Vanlalthawmi, Dean of Training, MTC-in training report a pe bawk. Rev. C. Chawngliana, Board Executive Committee member-in Missionary tirthchhuahte tawngtaisakna hun a hmang.

Missionary tirthchhuahte hi mipa 19 leh hmeichhia 31, an vaiin mi 50 an ni a, Evangelist 30, Evangelist Teacher 15, Medical 3, Asst. Professor 1 leh Lecturer 1 an ni.

February 3, 2022 atang khan Missionary Training College (MTC), Mission Vengthlangah Orientation training an nei a, training-ah hian Missionary Training College faculty mi 16, Synod Mission Board atangin mi 7 leh pawn lam mi 8 bakah, tawng zirtirtu atan mi 9, Job Orientation atan mi 3 leh Field Orientation atan mi 9 ten missionary-te rawngbawl dan tur kal hmang te, an awmna tur chanchin te leh thil pawimawh hrang hrangte an zirtir a ni.

Missionary Pre-Service Orientation hi kum thum hma lam kha chuan lãnga buatsaih thin a ni a, kum 2020 atangin riak luta neih a ni ta a. Tun tum hi riak luta neih wavi thumna a ni. Missionary tirthchhuah inkhawm hi Synod Mission Board Headquarters thawktute, Board Executive Committee member-te leh MTC Faculty member-ten an hmanpui a ni.

❑ **Synod Resource Centre member-te pual Briefing session**

February 26, 2022 (Inrinni) Chawhma dar 11 khan Synod Zirlai viltu Committee te buatsaih Synod Resource Centre memberte puala Briefing Session chu Sikulpui Hall-ah hman a ni.

Briefing Session hi Zirlai Viltu Committee Chairman Rev. Dr. K. Lallawmzuala, Executive Secretary, Mizoram Synod-in kaihruiin Pi Zirkungi, Secretary in report a pe a. Pu R.L. Rinmawia, IRS (Rtd)-in zirlai kalkhawm te Briefing a neih pui.

Kum 2018 Synod inkhawmpuiin Mizo thalai te Central Service a tam zawk an luh theih nan Synod-in hma la rawh se tih chu hemi kawnga hma la tur committee dinin Zirlai Viltu Committee tih niin an ni hma lakna hian September 20, 2021 khan Sikulpui hmunah hian Synod Resource Centre hawn a ni a. Tin, kum 2020 khan booklet pawimawh tak pali zirlai te tana tãngkai tur a lo siam tawh bawk. Tunah hian lehkhabu volume pawh 303 lai an kawh tling tawh a ni. Zirlai 75 member ni mekin heng te hi group 3-ah thenin hemi ni hian Group 'C' pualin Briefing hun hi hman a ni a, zirlai 33 an kal a ni.

□ **World Hearing Day 2022 denchhenin ENT & EYE FREE CLINIC**

Wawiin (March 3, 2022) hian Synod Hospital Durtlang chuan World Hearing Day 2022 denchhenin Dr. Fraser's Clinic leh Mission Veng Kohhran Centenary Hall-ah Beng, Hnar, Hrawk leh Mit (ENT & EYE) lama harsatna hrang hrang neite tan free clinic neih a ni a, CBM India leh Synod Hospital tangkawpin an buatsaih a ni.

Free Clinic tan hma hian Pathian hnena inhlanna leh free clinic buatsaih a nih dan te sawiin hun hman a ni a, inentirna hun neih chhonzawm nghalin Dr. Samuel Lalhruiatluanga, ENT, Dr. Lalramengmawii, Ophthalmologist leh Synod Hospital thawktuten damlo te hi an endik a ni.

He free clinic hi mipuiin an hlut hle a, chawhnu dar 2 thleng khan mi 90 chuanguin mit an entir tawh a, ENT lamah mi 70 chuanguin an inentir tawh bawk. Inentir tur hi mi engemaw zat an la awm a, la kalpui chhonzawm zel tur a ni.

World Hearing Day hi kum tin March 3-ah hman thin a ni a, kum tinin he ni pual hian thupui thlan bik neiin khawvel hmun hrang hrangah hman thin a ni.

Kumina World Hearing Day-in a tum ber chu ri hriatna tha hun rei tak chung kan neih theih nana kan nitin nun dan leh kan chhehvel thil tam tak lak atanga kan inven that hi a ni a, ri hriatna tha lo hriat chhuah hma leh a hma thei ang bera enkawl na dawn hi a ni.

Tun dinhmunah Synod Hospital, Durtlangin beng ri hriatna that leh that loh enna khawl a neih mek te lo tarlang ila :-

1. Oto Acoustic Emission (OAE) : OAE khawl hmang hian second 10 vel chung lekin nausen piang hlim atanga puitling ri hriatna that leh that loh a hriat theih a ni.

2. Auditory Brainstem Response/ Brainstem Evoked Response Auditory (ABR/ BERA) : He khawl hmang hian nausen piang hlim atanga puitling ri hriatna thazam (nerve) that leh that loh, hun reilo te chungin a hriat theih a ni.

3. Pure Tone Audiometry : He khawl hi beng ri hriatna enna khawl tlanglawn ber a ni.

4. Tympanometry : He khawl hi beng dar chung lama fello awmte enfiahna khawl a ni.

Heng khawlte hmang hian Synod Hospital-ah kar tin ENT Doctor-te OPD-a an thut ni apianguin Hearing Screening Test tih theih reng a ni.

□ **Synod Mission Board leh ram pawn chet velna**

◆ **Ramthar Campaign**

March 5 - 7, 2022 chung hian Zamuang Bialah Ramthar Campaign nei turin Rev. R. Lalhmingsanga, Secretary, Synod Mission Board a kal ang.

◆ **Jharkhand Mission Field**

February 19, 2022 (Inrinni) khan Lakrapahari Biak In thar chu Field Secretary-in a hawng a. Biak In thar hi Upa Hmingthanga, Electric vengin Rs. 2,50,000/- senga a sak sak a ni a, feet 40 leh feet 18 a zau a ni. Biak In saknaah hian a ram mite an hnatlang nasa hle a ni.

February 23, 2022 (Nilaini) khan ringthar 9 Lal Isua zui turin an inpe a, Believers Church atanguin mi 8 kan Kohhranah a inpe bawk.

February 27, 2022 (Pathianni) khan ringthar 1 Lal Isua zui turin an inpe a, Baptist Kohhran atanguin mi 2 kan Kohhranah an inpe bawk.

◆ **Delhi Mission Field**

February 26, 2022 (Inrinni) khan South Delhi Pastor Biala thawktuten Maya Garden-ah Crusade an nei a, ringthar 11 Lal Isua zui turin an inpe. February 27, 2022 (Pathianni) khan ringthar 1 Lal Isua zui turin an inpe a, kohhran dang atanguin mi 1 kan Kohhranah a inpe bawk.

◆ **Siligury Mission Field**

February 27, 2022 (Pathianni) khan ringthar 23 Lal Isua zui turin an inpe.

◆ **Odisha Mission Field**

February 27, 2022 (Pathianni) khan ringthar 19 Lal Isua zui turin an inpe.

◆ **Assam Mission Field**

February 27, 2022 (Pathianni) khan Bhuragaon Fellowship chu Rev. Billy Lalrinchhana'n a hawng a. Tun dinhmunah Bhuragaon Fellowship-ah hian member 27 an awm mek a ni.

◆ **Masihi Sangati**

February 27, 2022 (Pathianni) khan Phaisen khawbul a Ratna Company-ah Kolasib Area Pastor hoin rawngbawl na neih a ni a, ringthar mi 17 Lal Isua zui turin an inpe.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Cherhlun	Tuilian tuar	1	Rs. 8,000/-
2.	Darlak	Damlo	1	Rs. 8,000/-
3.	Mamit Lungsir Veng	Kangmei tuar	7	Rs. 40,000/-
		TOTAL		Rs. 56,000/-

☐ **Synod Revival**

February 26 & 27, 2022 khan Operation Nehemia neiin Aizawl leh Dai velah Revival Speaker-te group 12-ah inthenin mi 852 hnenah rawngbawlina an nei a. Operation Nehemia hi March 4 - 6, 2022 chhungin neih leh a ni ang.

☐ **Hruaina Eng FM Radio :**

MARCH 4, 2022 (Zirtawpni) (FM Zoawi - Aizawl & Lunglei @ 7:30 p.m.):

<i>Solo</i>	:	Zoramchhani - Khawngaih rawngbawl hna
<i>Zaipawl</i>	:	Mizoram Synod Choir - Rawngbawltu inhlanna
<i>Thusawi</i>	:	Upa Rochungnunga - Rawngbawlina
<i>Solo</i>	:	Esther Lalmuanpuii - I fak ang u
<i>Zaipawl</i>	:	Chanmari Bial Zaipawl - Lal rawngbawltute

☐ **Susamachar Prasaran Programme :**

MARCH 6, 2022 (Pathianni) 5:00 pm. :

<i>Group/Choir/Solo</i>	:	Chanmari Masihi Sangati - Tu He Mera
<i>Group/Choir/Solo</i>	:	Dawrpui Bial Masihi Sangati - Jaya
<i>Sermon</i>	:	Rev. Laltharzuala - Masib hamara Adarsh
<i>Group/Choir/Solo</i>	:	Chanmari West - Yesu Mere
<i>Group/Choir/Solo</i>	:	Soni Lalnunsangi - Sahara mujko

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

March 10, 2022	OM
March 13, 2022 (Zan)	Kohhran tlawh, Armed Veng Bial

Rev. C. Zoramawia : Senior Executive Secretary

March 10, 2022	OM
----------------	----

Rev. V.L. Luaia Hranleh : Executive Secretary

March 7 & 8, 2022	John Williams Hospital committee, Lunglei
March 8, 2022	Hmangaihna In committee
March 10, 2022	OM
March 11 & 12, 2022	East Lungdar Venghlun Kohhran Biak In thar hawn

Rev. Dr. K. Lallawmzuala : Executive Secretary

March 7, 2022	Social Front Sub Committee
March 8, 2022	Worship Committee Programme - Music School hawn, Bawngkawn
March 10, 2022	OM
March 11, 2022	Partnership Committee

KOHRAN HMEICHHE ROREL INKHAWM HUN SAWN THU

Mizoram Presbyterian Kohhran Hmeichhe Rorel Inkhawm wawi 11-na chu March 11-13, 2022-a Mission Veng Kohhran Biak In-a neih tura ruahman a ni a. Amaherawhchu Kohhran Hmeichhia Central Committee chuan kan rama hripui (Covid-19) leng dinhmun enin Synod Offices' Meeting (OM) remtihna "Kum 2022 Kohhran Hmeichhe Rorel Inkhawm chu ni khat chauh hman ni se, a hun atan May 26, 2022 (Ningani) ni se" tiin a rel a. Hei hi an huam chhunga Pastor Bial hrang hrang leh Kohhrante an hriattir a ni.

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni
 Dil hun chhung : April 26, 2022 (Thawhlejni) tlai dar 3:00 thleng
 Dil thei chin : Class VII passed, kum 16 chin, Kohhran dan chhunga awm
 Interview : April 28, 2022 (Ningani) chawhma dar 10:00
 Class tan hun : May 3, 2022 (Thawhlejni)
 Zir hun chhung : May - August, 2022

Hrechiang duh tan Phone No. **0389-2317343/8296035491**-ah zawhfiah theih a ni.

Sd/-
 Rev. Lalrinsanga
 Principal
 Presbyterian Bible School

Synod HSS Class IX Entrance Exam chungchang

1. Candidate Roll No. hi School Website www.synodhss.com-ah March 1, 2022 aţangin en theiha tarlan a ni ang.
2. Date of written test : March 4, 2022 (Friday) 10:00am - 1:00pm
3. Subjects : Mathematics, English with GK (40 + 40 + 20 = 100)
4. Date of Result Publication : March 14, 2022 (Monday) 11:00am
5. Date of Admission : March 14-17, 2022
 Admission hi **Online**-a tih tur a ni ang.

Sd/-
 Zirkungi Chhakchhuak
 Principal
 Synod Higher Secondary School

HNA RUAK DIL THEIH

Mizoram Presbyterian Kohhran, Campus Ministry hnuai thawk turin Counsellor 1 (pakhat) contract-a thawk tur lak a ni dawn a, kum 18-35 inkar, ni 18.3.2022-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna Form chu 16.2.2022 (Nilaini) aţangin nitin dar 10:00am - 2:00pm inkarah Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

Thiamna : Graduate of any recognised University and B.Miss/BD and above recognised by the Senate of Serampore/Synod (Preferably experienced in Counselling)
 Hlawh : Synod hnuai contract Counsellor hlawh
Dil theih hun chhung : Dt. 14.3.2022 (Thawhtanni), 2:00pm thleng
Screening test/exam : Dt. 16.3.2022 (Nilaini), 10:00 am
Interview : Dt. 18.3.2022 (Zirtawpni), 11:00am

Sd/-
 Rev. C. Zoramawia
 Secretary, Synod Service Board
 Synod Office